

IV PREMIO A TRABALLOS FIN DE GRAO E TRABALLOS FIN DE MASTER SOBRE O CAMIÑO DE SANTIAGO E DAS PEREGRINACIÓNS - 2021

Co obxectivo de fomentar o coñecemento histórico e actual do Camiño de Santiago e das Peregrinacións, así como a promoción e difusión dos valores a eles asociados nas súas diferentes facianas, cumprindo deste xeito cos fins para os que foi creada, a Cátedra do Camiño de Santiago e das Peregrinacións da USC convoca os **IV Premio a Traballos Fin de Grao e Traballos Fin de Máster sobre o Camiño de Santiago e as Peregrinacións** coas seguintes

BASES

1.- DESTINATARIOS

Poderán presentarse a estes premios todos/as os/as estudantes de nacionalidade española ou estranxeiros/as que se defendan **durante o curso académico 2020-2021**, un Traballo de Fin de Grao (TFG) ou un Traballo de Fin de Master (TFM) que tivera como tema de estudo o Camiño de Santiago e as Peregrinacións baixo diversos aspectos (históricos, culturais, xeográficos, turísticos...), e que tiveran acadado a máxima cualificación académica (sobresaliente) por parte das respectivas comisións.

É condición inescusable para seren aceptados á consideración polo xurado, que o seu TFG ou TFM non teña sido premiado con anterioridade, agás haber acadado a consideración de matrícula de honra.

2.- PREMIO

Outorgarase un único premio en metálico de 500 € para un Traballo de Fin de Grao (TFG) ou de Fin de Master (TFM), acompañado do correspondente diploma acreditativo.

No caso de haber máis dun/dunha gañador/a, o importe do premio repartiríase en partes iguais para cada unha delas.

No caso de que o xurado considere que ningún dos traballos presentados acada un nivel axeitado, poderase declarar o premio deserto.

O pagamento realizarase por transferencia bancaria, aplicándose ao importe do premio as retencións legais pertinentes (IRPF).

3.- SOLICITUDES

As persoas interesadas en participar no presente premio e pertencen á USC deberán presentar a súa solicitude na sede electrónica da universidade: <https://sede.usc.es/sede/publica/persoais/rexistroEntrada/acceso.htm> indicando en asunto IV Premio a Traballos Fin de Grao e Traballos Fin de Master sobre o Camiño de Santiago e as Peregrinacións, e acompañando a súa solicitude dos seguintes documentos:

- Un exemplar do TFG ou TFM en formato PDF
- Copia do DNI ou pasaporte (agás estudantes da USC)
- Certificación académica coa cualificación do TFG (agás estudantes da USC)
- Un resumo do traballo dun máximo de 1.500 palabras en galego, castelán ou inglés no caso de que o traballo non estea en ningún deses idiomas
- Declaración responsable de que o TFG ou TFM non obtivo ningún premio anteriormente.

Poderán presentarse en calquera idioma, pero de vir noutro diferente ás linguas oficiais da USC, deberán estar acompañados dun resumen de 5.000 palabras en galego, castelán ou inglés.

As persoas interesadas que non pertencen á USC deben presentar a solicitude a través da sede electrónica tal e como se recolle no parágrafo anterior pero, ademais de ter esta opción, poderán presentar a solicitude e documentación correspondente de forma presencial na oficina de asistencia en materia de rexistros do Campus de Santiago de Compostela (sito no Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (sito no edificio da Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

No sobre que se achegue deberá figurar no anverso deste o seguinte:

IV Premio a Traballos Fin de Grao e Traballos Fin de Máster sobre o Camiño de Santiago e as Peregrinacións

Cátedra do Camiño de Santiago e das Peregrinacións

Facultade de Xeografía e Historia
Praza da Universidade s/n
15782, Santiago de Compostela

No caso da presentación da solicitude de xeito presencial será obrigatorio o envío do traballo por correo electrónico en formato pdf ao enderezo electrónico da cátedra catedra.caminodesantiago@usc.es para o seu sometemento ao programa antiplaxio. Tamén será obrigatorio o envío a través do citado enderezo electrónico no caso de que o exemplar do traballo supere os 4 Mb e non poda xuntarse á solicitude electrónica.

Nos días seguintes ao remate do prazo de presentación de solicitudes publicarase unha lista provisoria de solicitantes admitidos/as e excluídos/as.

Os/as aspirantes excluídos/as, disporán dun prazo de cinco (5) días hábiles, contados a partir do día seguinte ao da publicación desta, para poder emendar os defectos que motivaron a exclusión.

Unha vez publicada a resolución do xurado, os/as concursantes poderán recuperar a documentación presentada durante os seguintes tres meses. Transcorridos tres meses sen que fóra solicitada será destruída.

A dirección da Cátedra resérvase o dereito a publicar os traballos premiados, previa autorización do autor.

Prazo:

O prazo de presentación abrirase ao día seguinte da publicación da presente convocatoria no taboleiro electrónico da USC e **pecharase o 5 de outubro do presente ano 2021.**

4.- XURADO

O xurado do presente premio estará formado polo director e os dous co-directores da Cátedra e, se se estima oportuno, dous asesores designados polo director da Cátedra en función da lingua na que se presenten os textos.

➤ Criterios de valoración:

- A orixinalidade do traballo (25%)

- As novidades das súas achegas ao coñecemento dos temas estudados (25%)
 - A actualidade e calidade da súa metodoloxía (25%)
 - As calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%)
 - A bibliografía citada (10%)
- Fallo do xurado:

O fallo do xurado será inapelable e farase público no taboleiro electrónico da USC, así como por outros medios que se estimen oportunos.

A entrega do IV Premio a Traballos Fin de Grao e Traballos Fin de Máster sobre o Camiño de Santiago e das Peregrinacións do ano 2021 será feita polos responsables da Cátedra en acto público .

O xurado poderá realizar unha análise automatizada de control da vulneración de dereitos da propiedade intelectual. A partir desa análise, se o xurado observa que se vulneraron os citados dereitos desestimarán o traballo presentado sen prexuízo da responsabilidade en que se poda incurrir.

Todos os actos derivados da presente convocatoria publicaranse no taboleiro electrónico da USC e na páxina web da Cátedra do Camiño de Santiago e das Peregrinacións <http://www.catedradelcaminodesantiago.com>.

A participación no concurso implica necesariamente a aceptación do que se expón nestas bases.

Contra a presente resolución, que esgota a vía administrativa, poderá interpoñer recurso contencioso-administrativo ante o xulgado do contencioso-administrativo de Santiago de Compostela no prazo de dous meses a contar desde o día seguinte á súa recepción, de conformidade cos artigos 46 e 8.2.a) da Lei da xurisdición contencioso administrativa, aprobada por Lei 29/1998, do 13 de xullo.

Non obstante, os/as interesados/as poderán interpoñer recurso potestativo de reposición no prazo dun mes ante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo

anteriormente indicado, ao abeiro dos artigos 123 e 124 da lei 39/2015, de 1 de outubro, de procedemento administrativo común das administracións públicas.

Santiago de Compostela, marzo de 2021

Gumersindo Feijoo Costa

O vicerreitor de Planificación Tecnoloxías e Sustentabilidade

(por delegación de competencias, RR. do 30/04/2020 e publicación no DOG do 11/05/2020)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: GUIMERSINDO FEIJOO COSTA, VICERREITOR DE PLANIFICACION TECNOLOXIAS E SUSTENTABILIDADE, UNIVERSIDAD DE SANTIAGO DE COMPOSTELA, 15/03/2021 21:10:32.

CSV: AE01-1CB4-44A5-B659

**IV PREMIO A TRABALLOS FIN DE GRAO E TRABALLOS FIN DE
MASTER SOBRE O CAMIÑO DE SANTIAGO E DAS PEREGRINACIÓNS -
2021**

MODELO DE SOLICITUDE

DATOS PERSOAIS

Nome:	Apelidos:	
D.N.I./C.I.F./Pasaporte, nº:	Correo electrónico:	Teléfono:
Alumno/a de (no seu caso):		

MEDIO E LUGAR DE NOTIFICACIÓN(*)

- Mediante comparecencia en Sede Electrónica.
 Correo postal:

Dirección:			
Localidade:	Provincia:	Código postal:	País:

EXPÓN QUE:

Acompáñanse os seguintes documentos:

SOLICITA:

_____, a _____ de _____ de _____
(Sinatura)

Sr./a. director/a da cátedra do Camiño de Santiago e das Peregrinacións
Facultade de Xeografía e Historia

De conformidade coa Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e co Regulamento UE 2016/679, os datos serán incorporados no tratamento denominado "Rexistro de documentos", cuxa finalidade é ter constancia dos asentos de entrada e saída de documentos dos rexistros xerais e auxiliares ou Oficinas de asistencia da Universidade de Santiago de Compostela.

O responsable do devandito tratamento é a Secretaría Xeral da USC, cuxos datos de contacto son Praza do Obradoiro, s/n, 15782- Santiago de Compostela, mail: sec.xeral@usc.es, teléfono 881811009.

O Delegado de Protección de Datos é José Julio Fernández Rodríguez, dpd@usc.es

A base de xustificación deste tratamento é a realización de funcións públicas administrativas correspondentes á prestación do servizo de educación superior (Lei Orgánica de Universidades e na Lei autonómica 6/2013, do Sistema Universitario de Galicia).

Poderanse ceder datos a administracións públicas con competencias na materia, e nos supostos de obrigacións legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través de Sede Electrónica en <https://sede.usc.es/sede/publica/catalogo/procedemento/55/ver.htm>.

Tamén poden dirixirse á Axencia Española de Protección de Datos para realizar a reclamación que consideren oportuna.

Os datos serán conservados durante o período no que se realice a finalidade para a que foron recollidos, ou o tempo necesario para cumprir coas obrigacións legais. Cumprida a finalidade, os datos que non formen parte da prestación do servizo público bloquearanse ata que transcorran os prazos de prescrición aplicables.

A política de privacidade e protección de datos da USC pódese consultar en <http://www.usc.es/gl/normativa/protecciondatos/Politica-privacidade.html>